

西醫學子六要

85

西醫

内閣文庫	
番號	漢 12615
冊數	39 (37)
函號	301 30

内閣文庫			
函	三	二六	漢
架	五九	五	書
冊	九	九	
號	三		
類			
37			





治法彙卷八上

耳門

耳聾

耳鳴

痰

火

氣虛

陰虛

肝火

氣閉

痰火

風熱

大病後及勞碌

耳腫

凍耳

停耳

耳瘡

蟲入耳

耳痒

目門

暴發赤腫

昏赤

婦人久鬱內脹昏暗

陰虛火盛日久病 體瘦目赤

目昧不明 外障 內障 羞明

童子散大 目分五臟 迎風流淚

眼生倒睫拳毛 能遠視不能近視

眼皆初生小泡 能近視不能遠視

目珠痛 疳眼 雀眼 目熱生翳

爛眼眶 飛絲入眼 稍芒入目

塵物眯眼 岐視亂見

諸翳 小兒諸眼病

耳

耳聾耳鳴有痰有火有氣虛有陰虛有肝火

少壯悉屬痰火中年必是陰虛

陰虛兩尺脉大或左脉虛大體瘦色黑兼見口

乾腸燥而耳鳴或聾者手足心必熱屬陰虛不

味九坎離王之

氣閉耳聾著惱而成通氣散効茴香木香人參

玄胡索陳皮菖蒲各一錢羌活殭蚕川芎蟬腿

各五分穿山甲二錢甘草錢半細末每服三錢

温酒調下

肝火左脉弦急而數屬肝火其人必多怒耳鳴
或聾宜平肝伐木龍膽瀉肝湯不也龍蒼丸見脇門

痰火右關脉滑而數屬痰火鬱于上焦宜清痰
降火二陳酒苓連柴胡枳殼或竹瀝薑汁下滾
痰丸佳見痰門

氣虛右脉大而無力或濡而細症兼倦怠口中
無味等肉傷症者屬氣虛恒見勞碌之人或中

年病後得此宜加減益氣聰明湯

方用黃芪人參之甘温治虚勞為君甘草之甘
平承接和協升麻之苦平微寒行陽明太陰之
經為臣葛根甘平蔓荆辛温升發清氣為佐芍
藥酸寒補中焦順血脉黃蘗治腎水膀胱不足
為使用酒製炒者因熱用也春夏火盛可倍加
黃蘗胃弱者去之或加白朮

風熱耳根連牙床腫痛屬上焦風熱陽明少陽
二經受病清胃兼辛凉散之升柴並翹荆防薄

荷甘桔枳殼酒苓連玄參花粉赤芍鼠粘生地
等類類緩服勢盛加蒸大黃腫已消但出水膿
不止用紅末子吹之耳門瘡鼠粘子湯佳
耳中忽大痛如有蟲在內奔走或血出或水或
乾痛不可忍用蛇退燒存性以鷺翎管吹入耳
中立止

木病後及勞碌耳聾或鳴當作虛治須分氣血
一補陰一益氣

虛耳出膿汁或聾而鳴屬上焦風熱蔓荆子散

佳方用蔓荆生地赤芍甘菊桑皮木通麥冬升
麻前胡炙甘草赤茯苓薑棗煎服

耳鳴聾皆是陰虛火動滋腎丸虎潛丸或滋陰
百補丸俱好

肝火脉弦而濡或數其人多飲屬肝經風熱木
香檳榔丸 見食門

耳聾以茱萸烏頭尖大黃三味為末津調貼湧
泉穴以引火下行惟濁氣閉竅者宜之

一方治耳痛以白礬枯吹入耳中及青礬燒灰

吹之妙

一方治耳痛停耳用桑螵蛸炙黃為末加麝少許吹入耳中極妙或胭脂胚子蛀竹末加麝少許吹妙

耳根連及項或腫多在左邊脉弦數屬肝火恒見于婦女宜平肝降火兼舒鬱柴胡青皮香附撫芎藭子酒苓連歸芍貝母連翹玄參主之若腫而發寒熱有表症者荆防敗毒散之耳下結久硬且脹着惱便甚屬鬱越鞠主之

凍耳用橄欖核燒灰清油調傳雀腦亦可

又法凍耳瘡用栢葉三兩微焙末杏仁四十九枚湯浸去皮研膏亂髮鷄子大食鹽乳香各半兩細研黃蠟兩半先煎油冷沸乃下髮以消盡為度次下諸藥令焦濾淨以慢火煎後下乳香黃蠟等攪勻每以鷺羽塗之因害耳膿血結鞞成核塞耳用生猪脂地龍金下墨研細以葱汁和搗如棗核綿裹塞入耳中潤取之

耳聾多恐者屬肝虛四物加防風羌活柴胡葛蒲茯苓神服二十餘貼却以杜壬蠶蝎散開之

停耳

羅謙甫曰耳者宗脉之所聚腎氣之所通勞傷氣血熱氣乘虛入于其經隨鬱而成膿汁故謂之停耳也內服柴胡聰耳湯通氣散蔓荊子散外用紅綿散等吹藥如壯盛之人積熱上攻耳中出膿水不瘥用無憂散下雄黃丸瀉三四行妙耳瘡同法

耳瘡丸

白枯礬

五錢麝香八釐胭脂胚二分陳皮灰五分

先用綿枝子纏去膿多用綿裹藥作丸塞入

耳中

通靈丸 治暴聾

松香

巴豆二十粒為末

右將松香溶化下巴豆末葱汁丸蓮子大用綿裹塞過夜左聾塞右右塞左俱聾俱塞

取耳通氣散

郁李仁去皮芍藥 人參各五錢 大黃 山芋

官桂 檳榔三枚 牡丹皮 細辛去苗 木香

炙甘草各二錢半

右末每服一錢空心温酒下

丹溪方治耳濕腫屬上焦風熱凉膈散加酒炒

大黃酒炒枯苓荆防羌活服之酒客耳聾耳鳴

俱効外以腦多麝少加枯礬吹耳中

犀角飲子 治風熱上壅兩耳聾閉外腫痛

及膿水流出

犀角 菖蒲 木通 玄參 赤小豆

赤芍 甘菊花各一兩 甘草五錢

每四錢生薑三片煎服

○耳瘡

薛新甫耳瘡屬少陽三焦經或足厥陰肝血虛

風熱或肝燥生風或腎經風火若發熱焮痛屬

少陽厥陰風熱用柴胡梔子散內熱痒痛屬二

經血虛當歸川芎散若寒熱作痛屬肝經風熱

小柴胡加山梔川芎若兼內熱口乾屬腎經虛

火加味地黄丸不應八味丸

婦女多左聾以忿怒勝也

男子多右聾以色慾勝也

左耳聾屬少陽火龍蒼丸主之

右耳聾屬太陽膀胱六味丸主之

俱聾屬陽明通聖散滾痰丸主之

三錫曰耳鳴耳聾須分新久虛實忽因大怒大

醉而聾或鳴者屬痰火分輕重治中年及體虛

或病後有此悉屬虛但分氣血耳古方有用鼠

膽猫尿凌霄花柝汁等滴耳者有用杏仁去皮
加鹽蒸熟捻油滴者有用草麻子去皮加棗子
一個同搗加乳汁和丸綿裹塞耳者有用蒜瓣
挖空納巴豆炮熟綿裹塞耳者有用雄黃巴豆
末葱涎和錠捲紙塞耳者有用蜀椒巴豆菖蒲
松脂以蠟溶作筒子塞耳者有用細辛蒲黃麩
末杏仁和丸塞耳者有加龍腦椒目者無非辛
散結潤透竅有餘暴起者或可取效若元氣不
足腎陰虧損虛火挾痰泛上閉住其竅而聾鳴

者雖日滴時塞如蟻撼石終莫能動須大補氣
血滋陰制火使太氣上行充塞乎頭則九竅通
利聾暗咸除難經曰腎氣通于耳耳和則知五
音矣腎氣不得通于耳則耳不和而聾得上通
于耳則耳和而聰觀此則虛實判然矣一法石
蒼蒲削方條一頭插耳中一頭着艾灸之通氣
最妙又法用生烏頭鮮者掘得乘濕削棗大塞
耳日夜一易又法取磁石能吸鐵者豆大川山
甲燒存性為末一字綿裹塞耳口中啣鐵覺耳

內如風雨聲也又法甘草甘遂各半寸塞耳又
將甘草嚼之皆暴起外截法

紅綿散 治停耳出膿

白礬 錢二 朋脂胚二

右研勻先取膿淨吹藥入耳或即以綿纏藥

送入

壯盛者病耳膿用通聖散一二服佳外以枯白
礬吹之日三次妙

白蓮散 吹耳

白礬枯 烏賊骨 黃連 龍骨各一兩

右搗末綿裹塞耳中日三易之

麝香散 治耳膿

桑螵蛸慢火炙麝另

右為末研均摻耳如有膿先撚淨

又方五倍子焙乾一兩全蝎燒灰存性三分為

末吹之膿即乾丹溪方用貝母為末擦亦妙又

方馬黃散馬齒莧黃柏研末吹妙大都內宜服

去風熱藥或外用滑石石膏花粉防風各一兩

腦子少許研末吹耳膿不止陳橘皮燈上燒灰
為末麝少許研勻展淨吹俱佳

薑蝎散

乾蝎四十九粒用糯米半升同炒再用薑

為細末向晚勿食酒調作二十服至二十更

自以此有聞

千金方

牡荆子二升碎之浸酒一斗七日任飲

蟲入耳

蟲入耳丹溪方用椒末一錢醋半盞浸良久少
少滴耳中蟲自出
又方桃葉搗爛塞耳蟲自出
百蟲入耳麻油灌耳即出生葱生薑汁俱可
諸般惡蟲入耳搗韭汁灌之
諸蟲及虱入耳白膠香燒薰耳令耳孔暖自出
一人鼻蟲入耳痛不可忍將生薑擦猫鼻其尿
自出取滴耳中隨愈用麻油滴亦可不知猫尿
之速也

蒼蠅入耳最害人速用皂角子研末調生鱧血
灌入耳即出

蟻入耳以大韭搗汁灌耳妙又方以川山甲燒
灰以水濾過滴入耳中妙

一說蜈蚣及蟻入耳用猪脂一指大炙香塞耳
中或耳邊置鷄猪脯蟲聞即出料鷄枕耳睡妙
蜒蚰入耳礪砂膽礬等分研細鷺翎管吹入耳
中蟲化為水

飛蟲入耳用好米醋滴入耳內蟲必出不出即

海法集卷八
火魯有入被焦蟲入耳其蟲口硬如鉄用此滴之蟲死而出一法用鷺管極氣吸之出或擊銅器于耳邊即出

治蜻蜓入耳用半夏生爲末麻油調塗耳門蟲聞即出一方用羊乳灌入即成水牛酪亦効如入腹即飲酪二碗自消爲水

治耳中有物不出以細麻繩剪令頭散蘸好膠入耳着物上粘之徐徐引出

治水入耳以薄荷汁點之立効

耳痒

聖惠方曰下人耳痒下且作可畏直挑出血稍愈此乃腎臟虛致浮毒上攻未易以常法治也宜服透水丹勿飲酒啖肉淡滋味下月佳又下人目赤黑珠傍暗赤成瘡耳中痒作腎臟風治用四生散每作一二服即愈時稱爲聖散
薛新甫曰聾鳴脉瀯數黑瘦人屬血虛四物加山梔柴胡若右寸關大于左無力倦怠色黃白屬中氣虛補中益氣加減若血氣俱虛八珍湯

加柴胡若怒便聾或鳴屬肝膽濁氣小柴胡加
芎歸山柰虛用八珍湯加山柰○若午前甚者
陽氣實熱也小柴胡加黃連山柰若中氣虛亦
上半日劇補中益氣加柴胡梔子○午後甚者
陰虛也四物白朮茯苓○若腎虛火動痰盛作
渴者地黃丸胃中空宗脉虛上氣不足參芪爲
君升麻佐之○耳中聞聞然是無陰也又液脫
者腦髓消耳數鳴地黃丸○腎虛耳中潮聲蟬
聲無休止時妨害聽聞者當墜氣補腎正元飲

黑錫丹間進安腎丸有熱者龍齒散○腎臟
風耳鳴夜間如打鼓聲四肢抽掣痛耳內覺有
風吹奇痒宜黃芪丸

柴胡聰明湯 治耳中乾聾耳鳴致聾方用柴
胡三錢連翹四錢當歸人參炙甘草各一錢
水蛭五分炒蝨蟲三個去翅足研末麝少許
除水蛭三味另研外水二盞薑一錢煎一盞
下三味再煎一二沸服

柴胡梔子散 治上焦風熱及少陽經火耳內

治法彙編卷八
焦痒生瘡出水痛或胸乳間痛寒熱往來方
用柴胡炒梔子丹皮茯苓芍歸白芍牛蒡子
甘草白朮煎服

當歸川芎散 治少陽經血虛瘡毒或風熱上
攻耳內痒痛或頭目不清寒熱少食或婦女
經水不調胸膈不利痞滿芍歸白芍柴胡白
朮炒梔子丹皮茯苓蔓荊甘草隨症加減

安腎丸

見喘門

黑錫丹

見嘔門

八味丸

見虛損門

加味地黃丸即六味丸加柴胡五味子

目病

三錫曰目病悉屬火熱世俗之論也須分新久
虛實痰鬱氣滯脾胃相火或散或降或開鬱或
養榮或滋腎壯水或益氣開痰初無一定方難
執一昧者不察一槩施治寒涼傷其脾胃辛熱
耗其神明氣血愈虧火邪愈熾卒至盲瞽良可
太息間有業是科者久眼亦知補養多用地黃
滋陰果陰虛相火盛者固多利益倘中焦氣虛
而有痰因痰生火為目患者服之寧不泥膈增

病耶諺曰眼不醫不瞎此言雖淺實為妄藥者
之戒謹將今古眼科諸書鈎其玄微參以脉症
縷析如左願與無盲于心者同治盲焉
暴發赤腫頭面發熱或時作寒脉浮弦者屬上
焦風熱辛涼散之羌活荆芥升麻白芷薄荷酒
苓枳桔甘草一二服加降火藥酒連梔子連翹
赤芍歸尾白睛紅加豆寇少許
已經發散而腫痛不減脉弦數者為血熱壅痛
宜涼血降火生地涼血為君赤芍歸尾川芎利

血為臣酒苓連龍膽草降火為佐荆防羌活甘
桔薄荷為使

洗暴發赤腫杏仁去皮四箇歸尾赤芍各一錢
防風黃連五分水半鍾加入乳半盃蒸洗

洗爛眼眶用銅青皮硝淨釀當歸黃連杏仁各
等分如上洗點

年壯氣實之人或酒客膏粱輩積熱上攻于目
痛不可忍連及頭者脉必實數有力涼膈散易
酒蒸太黃瀉之見火門

體厚人發散降火久不愈胸膈痞悶食少倦怠
者右寸關脉必沉而滑當從痰治二陳二木枳
實為君少佐芩連間投小胃丹或滾痰丸胸坎
一開火自降而明矣見痰門
目昏赤服涼藥不已心下及兩脇脹悶脉沉而
弦者屬氣鬱肝傷宜舒鬱和肝香附撫芎青皮
柴胡梔子歸芍脉數實有力者當歸龍薈丸佳
見脇痛門
婦人久鬱內脹昏暗者益氣養榮湯妙甚須多

服
體瘦目赤或痛脉數而細澁屬血虛有火宜養
血降火四物易生地加玄參蔓荆連翹芩連稍
久當滋陰益腎坎離丸或六味地黃丸俱宜見虛
損門
陰虛火盛日久病多飲童便為上
黃白色體倦怠目昏懶食少心下不和脉緩
或虛大無力屬脾胃弱而火盛宜補中益氣湯
加蔓荆子玄參中年病後兼耳鳴多眩者益氣

治法彙編

聰明湯 見耳門

目昧不明河間悉主于熱固是的确論但未分熱之虛實爾法曰玄府者萬物盡有乃太氣升降出入之門戶道路也眼耳鼻舌神識能為用清明者其神全也血氣者令之神神衰則清明減而獨火炎上火與元氣不兩立火既熾則玄府塞故曰攻耳斯曠攻目斯矇而口鼻舌可類推矣一人病目久不能視涼藥盡試不應診之兩手微弱命服八珍加麥冬一月如舊乃知飲食不

運腸胃枯澁髮落皮皴噎膈淋閉等症目昏耳聾悉由氣液血脉榮衛衰少不能升降出入虛火阻滯而然故玄府閉小濁火炎上則視昏花陽廉視物之象也丹溪東垣治目昏用參芪補養血氣久眼靡不獲效以氣血旺則玄府得利升降清明乃復古方羊肝丸用羊肝引黃連等入肝解肝經諸鬱蓋肝主目肝中鬱解則玄府通利而明矣故黃連之類解有餘之火鬱也椒目之類解濕鬱也芫薺之類解氣鬱也芎歸之

類解血鬱也菴活荆防芷辛之類解經鬱也磁石之類解頭目鬱墜邪氣使下降也蔓菁下氣通中皆治氣血鬱結目昏有餘之法

三錫曰久病昏暗責于血少所謂目得血而能視也不知血不自生隨飲食化生脾胃一虛則納化艱而飲食少飲食既少是生化之源已涸血何自而旺目何得以養過服四物脾胃轉傷目愈昧矣治必先理脾胃脾胃一回飲食如常甘美血自生而目有所得昏暗頓愈由根實葉

自茂血者水之津脉也神光者木之華葉也脾胃者水之根也推此則治病必求其本豈欺我哉

外障

外障屬風熱上壅上下胞努肉培壙磨蕩其睛久之生翳斂其精明障之命名以此當消風散熱外用點藥點之稍久當審氣血脾胃

內障

內障屬虛挾氣鬱黑水神光昏翳外似好眼而

不能照物或外雖有翳膜不痛不痒惟不能睹
須分氣血脾腎治左脉不足或瀦或細體羸色
蒼是陰虛四物坎離為主右脉不足或虛大氣
口大于左或緩或濡屬氣虛四君為主食少或
不能運化當健脾和中枳朮丸調中益氣湯選
用兩尺洪盛或虛大兼頰赤盜汗憂遺者屬腎
虛相火四物加知栢牡丹皮宜各加家菊蔓荆
荆防升柴等佐使藥多鬱脉沉加香附撫芎見
傷及脾
胃門

蓋明火鬱于上也火

酒惡酒之義

須分虛實

瞳子散大風熱所為也火性散挾風益熾神光
怯弱力不能支亦隨而散漫猶風起而水波也
亦有過服辛散縱恣燻炙而致者皆當視其有
餘不足或除風降火或養血安神脉虛體薄必
加五味子以性寒體浮酸以收之也大法宜收
四物去川芎加苓連炙甘草五味子或六味地
黃丸加當歸味子大忌辛散丹溪芫蔚俱禁况

他藥耶惟當歸辛而苦可用耳

丹溪曰諸經脉絡皆走于面而行空竅其清氣散于目而為精走于耳而為聽若心事煩冗飲食失節脾胃氣虧心火太甚百脉沸騰邪害空竅而失明矣况脾為諸陰之首目為血脉之宗脾虛則五臟之精華皆為失所不理脾胃養神血乃治標而不治本也薛氏醫案載張給事目赤不明服祛風散熱藥反畏明重聽脉大而虛此因勞心過度飲食失節以補中益氣加茯神棗

仁山藥山茱五味頓愈又勞役復甚用十全大補加前藥漸痊

一少年素嗜酒色兩目赤痛或作或止兩尺洪大按之微弱余謂少年得此當失明翠早索途而行不辨天日衆皆驚異余與六味丸料加閉冬五味數劑頓明

目分五臟

目之上下胞屬脾 銳眦屬膽與二焦

皆在內近鼻者為內眦 上網屬大陽膀胱小腸 下網屬

皆在外小脚為銳

陽明胃大腸 黑精神光屬腎 白精屬肺

白睛變赤火乘肺也 目胞赤腫火乘脾也

黑水腎光被翳火乘肝與腎也

治翳當辨其起自何經及翳形何色各加引經

藥如東垣治一婦綠翳自下而上知其陽明來

也綠非五臟正色殆肺腎相合而為病耶乃就

画家以墨調臙粉合成色諦視之與翳同肺腎

為病無疑乃瀉肺腎之邪乃以陽明藥為使既

效他日復病者三其所從來之經與翳色各異

因詢此必經絡不調目病未已詢之果然用和
血藥養陰藥作九服遂永不舉觀此則辨色分
經詎可略哉

眼有宜出血而愈者即素問血實決之之義必

起初血熱盛者在太陽陽明二經乃可以二經

氣血俱多故耳他經出血其病轉劇故曰刺太

陽陽明則目愈明刺少陽陽明則目愈昏近世

有以草心于上下胞及兩眦打出血絲往往獲

功即三稜針刺血之法惟可施之于有餘暴發

耳

迎風流淚氣血虛而有火火得風而內灼則淚
出所謂肝熱則出泣也四物四君審用或加家
菊荆子肝火盛者以貝母大者一枚胡椒七粒
研細臨臥點之內服當歸飲柴芩芍藥甘草大
黃人參滑石當歸水煎服

東垣曰眼生倒睫拳毛者由目緊急皮縮之所
致也蓋內伏火熱而攻陰氣外行當瀉其熱眼
皮緩則眼毛立出翳膜亦退用法攀出內臉

向外速以三稜針出血以左手抓甲迎其針

立愈又目睪歲久赤爛俗呼赤睛是也當以三

稜針刺目眦以瀉濕熱而愈余按此二條乃急

則治其標也苟氣血不清火邪內熾精明失職

則隨刺隨愈焉保其不發乎縱清上實下養血

滋陰日不輟口猶當清心寡慾遠風沙戒暴怒

均勞逸一切膏粱酒麪悉屏除之內境得以清

外竅自爽矣令人不知徒事醫藥不審虛實妄

加治療又昧者日用鑷鑷去倒毛毛出風久爛

治法彙編卷八 目病

赤滋甚猶拔草春園也殊可咲
能遠視不能近視屬陰精不足而火盛老人桑
榆之象能近視不能遠視屬陽氣不足而火盛
一屬氣虛一屬血虛此東垣至論猶當以脉并
所兼之症參之庶得肯綮
眼眥初生小泡視其背上當有小紅點如瘡以
針刺破眼即時瘥故名偷針余以為背眥俱屬
太陽經刺背上乃所以瀉太陽經熱也不針眼
眥而針背偷針之義微矣

夏枯草治目珠痛至夜猶甚者神效蓋目珠連
目係屬厥陰經夜甚及用苦寒藥點之反甚者
夜與寒俱陰也夏枯草有補養厥陰血脉之功
能活血行氣故珠痛除眼科宜多畜焉一方用
童便製香附一分夏枯草三兩為細末食遠茶
清下丁錢

木賊能磨蕩器之不_ル光者故用以磨翳蟬蠅蛇
蠅皆取退之義方書云人年五十膽汁減而目
不明余以為五臟六腑之精華皆上注于目不

特膽也得無精衰耶

東垣治一人因用猪肉煎餅與醋蒜同食復大
醉臥熱坑中次日瞳子散大視物無的以不為
天以長為短卒然見非常之物行走踏空諸方
不應乃以酒苓連泄熱為君歸身地黃養血涼
血為臣五味子酸寒體收瞳子散大人參甘草
地骨皮二門甘草枳殼苦甘補中為佐柴胡引
經為使頓愈

丹溪治一壯年人早起忽然視不見就睡片時

略見而不明食減倦甚脉緩大重則散而無力
意其中濕所致詢之果臥濕地半月遂以白朮
為君黃芪陳皮為臣附子為使十貼愈且眼病
而用附子非微妙玄通者烏足以識此妙甚妙
甚

又一老人忽言他無所苦作太虛治之急煎人
參膏續續進垂愈一人予磁石藥先生曰今夜
成矣果然

一人形實好飲熱酒忽兩目盲脉瀯乃熱酒傷

胃汚濁之血畜于内而然以蘇木作湯調人參
未服二日鼻及兩掌皆紫黑先生曰滯血行矣
以四物加蘇木桃仁紅花陳皮煎調人參未服
數日愈夫眼病因脉瀦而知中有畜血精于脉
固可彷彿以四物加蘇木桃仁紅花猶或知之
至于畜血而用人參則非尋常可得而知者惟
丹溪知之且血畜于中則冲和胃氣傷矣消痰
藥中佐以人參助正伐邪胃氣得以行畜血因
之而下至妙至神此丹溪所以為醫聖也

海藏治一丁女笄年病目每月或二月一發紅
腫難開如此三年服除風散熱藥反生翳從銳
皆遮瞳人右目亦有翳從下而上經曰從内走
外者少陽病從下上者陽明病乃少陽陽明有
積滯也脉短而實晨則似短潔古曰短為有積
滯抑遏臟腑宜下之遂用温白丸減川芎附子
下之加膽草黃連如東垣五積法從二九加起
每日加一九至太便利後減又從二九起忽一
日子便中下黑血塊如黑豆大而堅硬遂翳去

目明

小兒目病同大人惟劑差小耳外有疳疾瘰後
班疹餘毒當別有法不可不辨

疳眼

小兒肥甘恣意寒暑不適生冷油膩傷脾糖麩
熱物助火因循積漸釀成疳疾渴而易飢善食
而瘦髮豎下泄腹脹鼻乾作誓聲久久不治
脾弱肝強肝火自燎其竅遂成目青多生翳膜
睫閉不能開眵淚如糊久而濃流乃中州弱而

清陽不升肝火盛而濁陰不降所致當升清降
濁以白朮人參先補脾胃為君柴胡枳殼輔上
藥理脾為臣蒼朮茯苓澤瀉滲濕降濁為佐菴
活蔓荊升麻川芎薄荷諸風藥勝濕為使乃正
治妙法

雀目

雀目病方書以為木生子亥旺于卯而絕于申
至酉戌之時木氣衰甚故不能睹至于日出于
卯之時木氣稍盛故復明余以為目得血而能

視血虛肝失所養則不能視夜屬陰人之血屬陰陰主靜而惡躁擾陰虛則火必盛弱陰不能制強火故夜轉劇昏暗而不能睹天明以陽用事陽主動火邪暫開故稍明故治必以養血為主兼理脾胃久之不治漸至于盲上說恐太遠王節齋曰眼赤腫痛古方用藥內外不同在內湯散用苦寒辛涼之藥以瀉其火在外點洗用辛熱辛涼之藥以散其邪故點藥莫要于冰片而冰片大辛大熱因其性辛甚故借以拔出火

邪而散其熱氣古方用燒酒洗眼或乾薑末或生薑汁點眼皆此意也蓋赤眼是火邪內炎上攻于目故法先順其性而散之此用苦藥降之以治其本乃釜底抽薪也然火邪既客于目從內出外若外寒涼以阻逆之則鬱火內攻不得散矣故點藥用辛熱而洗眼用熱湯是火鬱則發之之義世人不知冰片為劫藥誤認為寒常用點眼遂致積熱入目昏暗翳生又不知忌寒涼而妄將寒涼冰物冷藥挹洗嘗致昏暗者

比比皆是

勞役飲食不節內障昏暗蔓荆子湯妙參芪炙甘草酒白芍黃栢蔓荆子水煎服

眼痛用生地酒浸搗爛盒眼上又用草烏南星乾薑桂枝為末醋調貼兩足心時以牛膝膏洗

眼

肥人風熱上壅眼目疼痛 防風 羌活

荆芥 酒苓 水煎服

瘦人目痛是血少兼熱須養血清上 四物易

生地加 荆防 參苓 家菊 水煎服

血熱壅痛脈數實有力者四物加萸龍膽防已防風羌活一云實熱上衝眼痛用黃連瀉火當

歸補血

黃連瀉火湯 治暴發赤腫疼痛

黃連 八分 黃芩 俱酒炒 生地 各一錢 升麻 五分

柴胡 七分 水煎服

洗肝散 治風熱上攻暴發赤腫隱澁難開眵

淚 薄荷 當歸 羌活 防風 各去 梔子仁

治法 卷八 卷

二十七

甘草 大黃 川芎 各一兩

共為末每服二錢食後白湯下

决明散 治目夜則昏暗雖有燈月不能睹責之精衰

石决明 二錢 夜明砂 同 猪肝 一具 羯羊亦

可 二味 共為末 以竹刀切肝為二片 鋪藥

在中 紫緊 勿令藥走 泔水 一大碗 砂鍋煮

至小半碗 連肝汁服之 意謂决明 鎮腎益

精 夜明 升陽 明目 肝與肝合方甚有理 余

以為非地黄無以益腎精非歸芍無以助肝血加而用之可也

目昧不明 河間一王于熱為熱氣鬱于玄府 眼

耳鼻舌身神各失所司 升降出入之機廢 故視

不見也 其理近是 但有熱有虛實不可不辨 初

起火盛氣濁鬱于上焦 邪害孔竅 宜散宜瀉 是

實邪氣盛也 久昏暗 清氣不能上升 九竅不利

虛火上攻 耳鳴目暗 宜補宜升 是虛正氣奪也

丙障 先患一目 次第相引 兩目俱損者 皆有翳

治法 彙入 卷八 目病

在黑暗內遮瞳子按黑暗連目系屬足厥陰足
太陽手少陰三經此三經氣血虛則邪乘虛
入經脈鬱結從目系入黑暗內翳龍木論所謂
腦脂不清沉下作翳即足太陽之邪也又云肝
氣上衝成翳即足厥陰之邪也故治法以針言
之則當取三經之腧穴如天柱風府太衝等穴
是也其有手巧心諦者能用針于黑暗裏撥其
翳取效尤捷以藥言之則當補中疎通此三經
之鬱結使濁氣不上攻更審虛實

龍木論羚羊角飲子治圓翳肉障不痛不痒

羚羊角三兩 細辛 知母 車前子 人參

黃芩各二兩 防風二兩半

右爲末每服一錢水一盞煎至五分食後服

補肝散 治肝風肉障不痛不痒眼見花發黃

白黑赤或一物二形

羚羊角 防風各二錢 羌活 車前一

人參 茯苓各一兩 細辛 玄參

黃芩炒各一兩 右爲末食後米飲下一錢

羚羊角散 治綠風內障頭旋目痒眼內痛澁

者

羚羊角 防風 知母 人參 茯苓 各二兩

玄參 黃芩 桔梗 各一兩 車前 細辛 各三兩

右爲末每服一錢水煎服

羚羊角湯 治青風內障勞倦加昏重頭旋腦

痛眼內痛澁

羚羊角 一兩 鈔赤 一兩 車前子 半 一兩 人參 一兩

羌活 各一兩 地骨皮 玄參 各一兩

右四方皆羚羊角玄參細辛羌活防風車前爲

君蓋羚羊角行厥陰經藥丹溪曰羚羊入厥

陰經甚捷是也玄參細辛行少陰經藥也海

截云玄參治胸中氤氳之氣無根之火之聖

藥羌活防風車前行太陽經藥也醫者宜辨

其翳從何經來本經藥中加玄參等清解藥

下升下降更審虛實如氣弱脉緩色黃白多

肉人必主以參芪朮草如益氣聰明湯補中

益氣湯相兼服之血虛脉瀯蒼黑清癯人必

主以地黄丸坎離丸多鬱悶人更加夏枯草
芫蔚子香附之類以舒鬱散結更內觀靜養
不_多干塵累使陰氣平復藥乃有功

世俗見久眼動輒用羚羊角若病不在厥陰經
寧不引邪耶惟翳在黑珠者可用不則開門揖
盜
治目用黃連多矣而羊肝丸尤奇效用黃連末
一兩白羊肝一具去膜同于砂盆內研令細象
手丸樞子大每服三十九溫水下輕者一料重

者三料障翳青盲俱妙氣虛加參芪血虛加歸
芍并加家菊

又方治內障

羯羊肝一具新熟地兩半兔絲子 麩仁

車前子 麥冬 地膚子 五味子

澤瀉 防風 黃芩 白茯苓 桂心三錢

杏仁炒 細辛 枸杞 蔚子 苦葶藶

青箱子各一兩

右為末煉蜜丸桐子大每服三四十九白湯

送下日三服一人久病自方士為灸肝俞
遂失明眼此良愈以餘藥子一盲者服一
目覺燈下有線亮如門縫中見火次早
見翳膜俱烈如線又月餘明如初
肉經曰肝虛則目眈眈無所見耳汨汨無所聞
善恐如人將捕之狀海藏曰目瞋肝氣不治也
鎮肝明目羊肝丸主之

羯羊肝丁具新瓦盆中焙 甘菊 羌活
栢子仁肝大止用一半 官桂 白朮 五味子

各半 兩 黃連三錢

右為末煉蜜丸桐子大空心食前白湯下三
四十九

補肝散 治肝虛失明

青羊肝丁具新瓦焙 藜子一合炒香

右為末食後服方寸七日一加至二錢不
料可夜讀細字

醫館錄云赤眼腫痛脾虛不能飲食肝脉盛脾
脉弱用涼藥治肝則脾愈虛暖藥燥脾則肝益

盛惟于平和藥中倍加肉桂殺肝而益脾一舉而兩得傳云木得桂而枯是也此與別錄治脇痛之義相符人所不知者

羊肝治目以肝補肝也看所挾而兼用藥本草云細辛益肝膽氣故往往須之第辛散惟少佳乃可如肝血不足必加四物或佐甘菊熟仁清風熱

素問曰久視傷血肝主血血傷則肝失養而目昏治必補血安神

房勞過度則傷腎腎主臟精腎傷精耗不能榮于目多昏暗瞳人失神而生翳當滋腎陰六味地黃丸加五味當歸甘菊津液不足加二冬玄參兩尺脉大相火盛者加黃柏知母兩尺沉弱無火症者兼補右尺相火八味丸加兔絲枸杞覆盆楮實車前菘蓉隨病增損左三部弦數有力或沉數內障不痛不痒或多眵淚是肝火被鬱也當歸龍薈丸主之
蘆薈丸

治黑水凝翳内障不痛不痒

蘆薈 甘草 人參 牛膽 栝子仁

細辛 各兩 羚羊肝 蜜炙

右為末煉蜜丸桐子大空心茶下十九

墜翳丸 治握月翳棗花翳等病微有頭旋額

痛者

青魚膽 青羊膽 里魚膽 各七 熊膽 二錢

牛膽 錢 五麝 少許 石決明 二兩

右為末麪糊丸桐子大空心茶下十九

肘後方療目熱生翳並赤白膜取雀屎細直者
人乳和傳日上即消

烏賊骨主目中浮翳細研和蜜點之又骨末治
目中熱有效

膽執多眵昏暗十月間牛膽浸槐子陰乾百日
每空心吞一粒

又能黑鬚髮草決明性寒肝虛火盛日常病脉
弦數者宜之外方治失明取二升柞木食後粥
飲下一錢効又方補肝散用白瓜子七升絹袋

治法彙編卷八
盛沸湯中淖三次暴乾以酢五升浸一宿暴乾
為末調下方寸七日三服可夜讀書按白瓜子
平寒酸入肝亦肝虛有火治法也
能遠視不能近視當補腎滋陰地芝丸或六味
地黃丸亦可

生地焙四兩

天門冬

淨肉四兩

甘菊花

二兩去萼

右為末煉蜜丸桐子大每服一百二十丸空

心鹽湯下

能近視不能遠視法當補心益氣定志丸主之

遠志

去心苗二兩

人參

一兩

白茯苓

一兩

右為末煉蜜丸硃砂為衣彈子大臨睡龍眼

湯化下

大法曰在腑則為表當除風散熱即暴發在臟
則為裏當養血安神久眼有體肥濁氣盛而生
痰痰生熱熱生風風熱上攻目昏澁槐子散主
之此由胸中濁氣上行也重則為痰厥頭痛久
之能損目常使胸中氣清自無此病有服涼藥
多損上焦氣目昏倦開者當補益養腎蒼黑瘦

人火盛腎水弱不能上榮于目，駐景丸主之。
个乳點眼，久病昏暗極効，以乳節血變而成，目
得血而能視也。

槐子散 治肥人胸中氣不清，上攻頭目。

槐子 黃芩 木賊 蒼朮

各等分爲細末，臨睡茶清下。

上膈痰涎壅盛，痞悶上攻，目宜茶調散吐之，極
効。

寡婦僧尼血盛多鬱，肝脉實數，多目病，宜海狗肝

舒鬱

益氣聰明湯 治內障初起，視物漸昏，空中有

黑花神水亦淡綠色，視爲一或神光變白

屬氣不足之病。見耳門

撥雲退翳丸 治陽躄邪肉皆漸生，赤脉縷縷

根生于肉，肉生黃赤脂橫浸，黑睛漸蝕，神水

皆銳亦然，俗名攀睛。

當歸 川芎 一兩 家菊 荆子 各二兩

蟬蜋 錢五 蛇蠍 錢三 蜜蒙花 兩二 木賊草 去節 兩二

治法彙編

三六

荆穗 地骨皮各一兩 楮實子 黃連各五錢

白蒺藜去刺炒一兩 花粉六錢 甘草炙三薄荷七錢 川椒錢

右煉蜜丸每兩作八丸食後臨睡細嚼茶清

下右為奇經陽蹻為病而設也難經曰陽

蹻脉者起于跟中循外踝上行入風府上

屬于腦故以川芎入腦以治風菊花荆穗

薄荷清上焦黃連降火二蠅木賊蜜蒙退

翳解熱楮實地骨利小便引火下行椒紅

利五臟明目當歸和血

墮藥碧雲散 治腫脹紅赤昏暗隱澁難開鼻

塞頭痛腦酸外翳攀睛眵淚稠粘

鷺不食草二錢 青黛錢 川芎各一錢

右為細末先噉水一口每用米許吹入鼻內

以淚出為度不拘時候此開鍋蓋法也當

令邪熱不壅結有出路然力小而銳嚙之

隨應須頻嚙之諸頭自病俱效

馬景丸 治肝腎氣虛兩目昏暗視物不明

車前炒二兩 熟地 當歸各五兩 楮實

川椒炒各一兩 五味子 枸杞 兔絲子酒製半斤

共為細末蜜丸桐子大每服二十九空心酒下

瑞竹四神丸 枸杞揀淨分四分一分川椒一兩同炒一分乳香苗香各一兩炒一分芝蔴一合炒炒時先用好酒淘洗透各炒過去椒等四味止用枸杞加熟地白朮茯苓各一兩同為細末煉蜜丸桐子大每服五七十九空心溫酒下加甘菊一兩尤妙

風痰眼用九節黃連和槐樹皮燒灰鹿末熬湯澄清洗眼或以人乳浸黃連洗亦妙

爛眶眼由上膈有積熱嗜酒多鬱人上焦氣不清而成火火炎上薰蒸沿邊爛腫久生小蟲作痒內服防風通聖散去硝黃細末酒拌曬乾依法服之禁諸厚味料物外用紫金膏點之丹溪方治爛眼二蚕沙用香油浸月餘重綿濾過點之極效紫金膏飛過虢丹蜜多水少以器貯點之又方用青泥蛆淘淨曬乾末仰臥用一錢

入眼中少時去藥

盧甘石散 治爛風眼以盧甘石不拘多少先

用童便煨七次次用黃連濃煎洗煨七次次

用谷雨前茶濃煎煨七次又併三洗餘者煨

三次乃放地一宿出火氣細研入水片射香

點上神妙盧甘石煨時先用紫銷炭極大者

鑿一穴以安盧甘石

瑞竹堂用黃連歸芍薄荷防風蔓荊甘草各等分煎汁淬甘石

育神夜光丸 治精衰眼昏

當歸全用酒洗遠志以甘草水煎去心牛膝去蘆淮

地骨皮去骨酒浸兔絲子篋淨酒浸一宿加酒煮搗成餅目乾入藥

生地淮慶者酒浸搗淮熟地酒洗酒煮同生地木柏中搗晒乾

枳殼去穰甘杞 甘菊去梗

共為末煉蜜丸桐子大每服五六十丸空心

鹽湯下食後溫酒臨睡茶清亦可

病目多淚與涕初起清者辛散之久而濁者兼降是陽明少陽受病也

熟地黄丸 治氣血兩虛不能制火相火妄行

上攻于目瞳子散大視物昏花法當養血涼

血收神制火

熟地 兩一 甘草 錢二 歸身 錢五 柴胡 錢八 黃芩 兩半

天門冬 去心 錢三 地骨皮 錢三 人參 錢二 枳殼 錢二

五味子 錢三 生地 錢七 黃連 錢三

右為末煉蜜丸每服一百丸空心鹽湯下忌

辛味

驗方治爛眼眶

薄荷 荆芥 細辛

右為粗末如香狀焚之以淨磁碗塗蜜少許

于內覆香烟盡刮取烟煤磁碗收貯風熱

多淚者皆可點之

目至春夏便發赤腫當舒鬱平肝酒芩童便製

蒼木製香附 各二 南星 薑川芎 兩半 梔子 膽草

俱酒炒 陳皮 連翹 蘿蔔子 蒸青黛 兩各半 柴胡 錢二

各一兩 共末神麩糊丸服

拳毛倒睫

木鱉子一個去殼為末綿裹塞鼻中左塞

右右塞左一夜其睫自分
下法摘去拳毛用虱子血點眼數次妙

點方 治火眼

臘月羊膽一枚以蜂蜜灌滿掛陰乾用時
取一粒磁器內水化開點之

三製黃連膏 治暴發赤腫眦粘澀

用雞爪黃連如連珠者不拘多少切碎洗淨
先將薑一大塊切作兩片空空將連入薑內

以線縛緊用濕紙包裹略煨少時紙焦為度
以紅棗去核將黃連盛入棗內少加礬末亦
可濕紙包裹慢火內煨熟待礬化取出黃連
浸入人乳內點妙不可言
綱目用丁香黃連人乳煎汁注之皆愈此得
辛散苦降乳汁養陰之妙

麩仁膏

麩仁淨仁一兩用紙裹筆管碾去油淨加白
硼砂一錢麝香三分同研極細末收入罐內

貯之專去翳障妙甚

努肉攀睛

還睛散 治眼翳膜昏澁淚出瘀血努肉攀睛

川芎 膽草 草决明 石决明 荆芥

枳實 菊花 白茯苓 白蒺藜 麻子

甘草 木賊 川椒炒去子 仙靈脾 茵陳

共五錢 右爲末每服二錢食後茶清下

治卒患赤目努肉作痛取好消梨一個搗汁黃

連三錢碎之以綿裹漬冷色變仰臥注目中

努肉礙睛用礬石最白者納黍米大于翳上
及努肉上卽冷淚出綿拭之令惡汁盡努翳自
退

千金方 治目中息肉翳閉瞳子及生珠管

貝齒七枚燒爲末 真珠等分

共研絕細點翳肉上五六度瘥

夜光膏 治遠年目病昏暗翳膜須用臘月開

日合

白沙蜜

四兩白色雋隔年葱丁枝去鬚皮切段與蜜同熬去白沫以葱軟爲

度以綿濾去渣冷定用黃丹 蜜陀僧各

紙干上面收去浮蠟 飛過者 甘石 童便 溶過者 五錢水飛研

赤芍 杏仁 湯泡去皮尖 當歸 各三錢 川芎 五錢

川黃連 淨二兩 秦皮 防風 訶子皮

石膏 玄精石 井泉石 無名異

玄參 黛赭石 石決明 七上十五味各

流 水煎濃汁二三二次去渣將藥蜜下 乳香

沒藥 琥珀 硃砂 另研 麩仁 紙搥去油已

錢前四味先研細將麩仁水飛下同研細

方入前紫金藥內 同復熬下二沸以藥

滴水 中不散為度 大抵不可過與不及取

土中埋七日貯磁器中入後細藥四味各

錢 麝 分五 南硼砂 珍珠 龍腦 珊瑚枝

右五味研細亦以桃柳枝攪勻傾入藥中復

攪勻收罐中點眼

飛絲入目用頭垢點入眼內即出

又方用柘樹漿點了綿裹筋頭蘸水繳拭涎毒

又方用火麻子下合杵碎井水下碗浸攪將舌

浸水中涎沫自流出茄子葉亦可

丹溪治飛絲入眼眼腫如眯痛澁難開鼻流清

治法彙編 目疾 四

淨用京墨濃磨以新筆塗目中閉目少時以手
掌開其絲自成一塊在白眼上却用綿輕輕惹
下未淨再塗風颺游絲偶然觸入目內作痛若野蠶蜘蛛本虫之幼體也
若遇金雞蠟老鶴然其目不出三日進裂也

治眯目鹽與豉置水中浸之視米其塵即出

稻芒入眼取蟬螬以新布覆目上待蟬螬從布

上行摩之其芒自出

塵物眯眼新筆塗墨自出

視岐亂見

邪中干精則視岐魄散神狂則亂見一驅邪一

安神

諸翳

圓翳

初患時見蠅飛花發垂蟻薄烟輕霧先患
下眼次第相牽俱圓翳如油點浮水中

看則少陰

滑翳

翳如水凝
如珠如凝
脂色

看則多

橫翳

橫如劍脊兩邊薄中央厚
宜針于中央厚處撥之

上細看

已上五翳皆先患一目向後俱損初患之時

其眼痛澁頭旋額痛雖有形俱難下針獨偃

用翳棗花翳黑水凝翳微有頭旋額痛者宜

輕針撥之

水翳 初患時頭額痛眼臉骨鼻頰骨痛目內赤

過經絡針其俞穴忌 偃月翳 初患時微微頭旋

第相牽其翳一處厚一處薄宜先從厚處撥之

時痺痛先患下眼而後俱翳迴迴如錐齒輕針

撥去莫留短脚兼于所過之經針灸其胸

散翳 翳如酥點作青黑水凝翳 初患頭旋眼流

翳凝結 驚振翳 頭腦被打築惡血流入眼內至

必治牽損後 患者可針 雖不痛不痒其翳或黃或紅翳狀破散者中

心濃重者俱不宜針撥撥之不動者名死翳

忌撥獨黃心翳宜先服藥後針之若無翳者名風赤不宜針

白翳黃心 翳四邊白中心黃先服逐翳散次針

失治兩目俱損 烏風 無翳但瞳人小三五年內

宜補忌瀉 肝風 無翳眼前多見虛花或白或

二眼同患急宜 五風變 初患時頭旋額痛或下

俱暗瞳子 綠風 眼見花或黑花 眼見青風 加重

已上五風初患時頭旋額角連眼臉眉及鼻

額骨痛眼內痛澁先患一眼向後俱損無翳

雷頭風變先患頭痛或掉眩惡心嘔吐先患下

白脂結

雀目

蛤粉丸 治雀目日落不見物因濕痰在胃中

者

蛤粉細研黃蠟各等分

右溶蠟搜粉丸棗大每用猪肝一片二兩許

批開裏藥一丸麻線纏入罐內水煮熟乘

熱薰目至温吃肝以愈為度

千金方

地膚子錢五决明子升一

右二味為末以米飲汁和丸食後服二十九

至三十九至愈止

又法用蒼朮四兩米泔水浸一宿切作片焙乾

為末每服三錢猪肝二兩批開糝末在內用麻

繫定粟米一合水一碗砂鍋內煮熟薰眼候温

連肝服

治雀目不計時用蒼朮一兩為細末每服一錢
米飲下

小兒雀目屬肝脾二經脾弱者健脾肝虛者養
血宜分兩途飲食面色如常但夜不能見物者
還明飲妙大人亦佳

夜明沙 井泉沙 穀精草 蛤粉各等分

右為末煎黃蠟丸雞豆大三歲一丸猪肝丁
干金片切開置藥在內麻扎緊沙瓶中煮熟先

薰後服連肝食

小兒過用甜物口臭牙痛眼腫氣口脈洪數屬
胃火瀉黃散妙

小兒肝經濕熱內甚上攻于目眼昏腹張九味
蘆薈丸妙兼脾虛痿黃瘦弱不食者間肥兒丸
稟來陰弱有相火症者心虛少與六味地黃丸

說見家居醫錄

九味蘆薈丸 治三焦及肝膽經風熱目生雲

翳或癩癧耳内生瘡寒熱作痛或肌燥消瘦
發熱作渴飲食少思肚腹不調或肝毒口內

生牙齦潰爛或牙齒蝕落頰頰癩爛食少下
部生瘡

蘆薈 胡黃連 當歸 芍藥 川芎

龍膽草 蕪荑 木香 甘草 各五錢

右為末 挾神打糊丸 麻子大 每服五十九滾

湯下

肥兒丸 治食積發熱眼目生翳

黃連 蕪荑 神麩 麥芽 炒

右另末等分水丸 量大小加減

海藏云東垣治班後風熱餘毒翳膜氣障遮睛
以瀉青丸治之大効保命集云退翳膜妙不特
班後減大黃服余以為肝經久蘊風熱乃生翳
膜瀉青丸正所以拔病根也

小兒班疹後毒上攻于目翳腫痛脉實強壯
能食者羚羊角散加減以解之氣血虛而胃弱
者須以補養為先而佐以解毒斯得之矣丹溪
曰犀角性升散較諸角猶甚痘後有餘毒者用
之如無餘毒虛虛之禍如指諸掌服翳不可不

知

痘瘡入眼白睛赤者决明散清之不赤但翳膜睛暗蜜蒙散妙翳膜不去通聖散蛤粉散俱佳或加一蛇

决明散

决明子 赤芍各錢半 甘草 一錢

共為末每服一錢蜜湯調下

蜜蒙散 治小兒痘疹及諸毒入眼

蜜蒙花錢半 青廂子錢一 决明子 車前子各五分

右為末羊肝一片破開摻藥在內合緊濕紙

數重包裹灰火中煨熟空心食之

通聖散 治小兒瘡痘入眼及生翳膜

白菊花兩一 菘苳皮兩一 穀精草去根一兩

共末三歲一錢乾柿一個生粟米泔一盞同

煮泔盡去藥食柿不拘時日用二三個近者五七日遠者半個月佳

蛤粉散 治小兒瘡痘入目


穀精草 蛤粉

右爲末三歲一錢猪肝一兩批開摻藥在內
以竹葉包裹線束定水一盞煮熟入罐內
薰眼至溫取食之

二粉散 治小兒班瘡入目

輕粉 五分 粉霜 一錢

右研勻結裏如患左睛塞左耳內右同之左
右俱患俱塞眼卽開得瘡亦隨愈



真和堂

